

溫江縣志卷三十五

外紀

文谷爲孟蜀侍御史自言嘗謁中書舍人劉光祚
有道士劉雲出一白石圓如雞子其上文彩如畫
二童子持節引仙人睂眼毛髮冠履衣帔纖悉畢
具云於麻谷洞石穴中得之又有一客亦出一石
潤二寸五分上有蟠龍鱗鬣甲爪無不周備云於
巫峽得之又見桃核杯潤尺餘文彩爛然

野人閑話

溫江縣志

卷三十五

外紀

一

宋夏應辰爲潭州書局時有溫江縣申本處蛇一條
長百餘丈神光照三百餘步口吐香薰燭二十餘
里沒啖人畜無數官差甲士二千餘人收捕爲其
掉尾捲去溺死五百餘人上天師與法官治之方
戮死堆骨如山

潛確類書

明崇禎末流寇掠溫江承簿縱囚而逃

綏寇紀畧

國朝康熙壬午年三月十三日萬春里中雷擊一大樹
樹先有鷹巢乃劈其巢枝置於數十步古塚之上
窠雛俱完好而樹木已粉碎矣此劉君常修目擊

而語余者也 舉業忠告

縣難紀畧

鄧茂梓 南充人

周書武成篇云武王代紂紂之前徒倒戈攻于後以北血流漂杵雖孟子謂其以至仁伐不仁而何其血之流杵千載下猶且疑之况其以至不仁而殺人有不血流漂杵乎獻忠至不仁者也系出延安與李自成同爲賊首所過郡縣大肆劫掠遂合羣寇以作亂而羅汝才曹操通天侯上天侯過天星閣老院蝎子塊壹斗粟徐庶一桿鎗混天王八

溫江縣志

卷三十五 外紀

二

隊裡等互結黨以蹂躪我中原先破河南四十九城而後分兵各出逆獻自崇禎九年入蜀焉其初未甚殺人也迨十三年入蜀而兵威赫赫矣十七年又入蜀而殺氣騰騰矣甲申年八月九日破成都而錦江人民已半沒於逆賊之手乙酉年十月初四日大肆屠戮兵民盡殺丙戌年二月下令剿川溫邑地近省城獨倍懼其難是以老少男婦漏刃脫逃者百不一二焉縣治之西南離城一二里許有地名楊柳江者男女環列周圍數十餘里令

兵將羅織其中前後攻殺暴骨原野者盡是男女老幼尸橫道路者誰分士賈兵民傷哉苦矣虎狼遊於白晝亡魂號於山林城郭邱墟人民塗炭賊乃去甫至西充而肅王靖蜀逆賊授首蜀之子遺合掌稱快以漏網之魚可免於釜鬻也無何飢饉頻仍土囚亂而豺虎復戕人之得脫於逆賊手者復斃於凶荒野獸之慘嗟嗟湔江何不幸而頻遭兵燹乎我

朝定鼎四十餘年戶口尙凋耗田疇尙草萊復沉淪

溫江縣志

卷三十五

外紀

三

於吳逆之叛者六七年向非

當事軫恤

邑侯撫綏嗷嗷小民瘡痍何日起乎茲因修志之役乃備述其前後受難之年月以載諸簡端欲當事之一慟念於湔也